

《淨土十疑論》 補充講表

◎附表十五：

○明往生意者，所以求生淨土，為欲救拔一切眾生苦故。

※《大乘起信論裂網疏》卷六云：「為度眾生求生淨土，非為自身獨出生死。有此菩提

弘願，方是往生正因。不然，縱令念佛菩薩，與佛菩薩

氣分不相契合，不能生淨土也。」

◆菩提心修法：阿底峽尊者之七重因果：（以下糅合《菩提道次第廣論》）

前方便：平等捨。

一、知母、二、念恩、三、報恩、四、慈心、五、悲心、六、增上意樂、七、無上菩提心。

○一者、依智慧門，不求自樂，遠離我心貪著自身故。

※《八十八佛大懺悔文》云：「我今發心，不為自求人天福報，聲聞緣覺，乃至權乘諸位

菩薩。唯依最上乘，發菩提心，願與法界眾生，一時同得阿耨多羅三藐三菩提。」

※《大乘起信論》云：「云何修行進門？所謂於諸善事，心不懈退，立志堅強，遠離怯

弱。當念過去久遠已來，虛受一切身心大苦，無有利益。是故應勤修諸功德，自利利他，速離眾苦。復次，若人雖修行信心，以從先世來，多有重罪惡業障故，為邪魔諸鬼之所惱亂；或為世間事務種種牽纏；或為病苦所惱；有如是等眾多障礙。是故應當勇猛精勤，晝夜六時，禮拜諸佛，誠心懺悔，勸請，隨喜，迴向菩提，常不休廢，得免諸障，善根增長故。」

※《大乘起信論疏》云：「此下有二：一、應當下，總明除障方便。如人負債，依附於王，

則債主無如之何。如是行人，禮拜諸佛，諸佛所護，能脫諸障。

二、誠心下，別對滅除四障。一、懺悔：除惡業障。二、勸請：

除謗法障。三、隨喜：除嫉妒他勝障。四、迴向：除樂三有障。」

○三者、依方便門，常憐愍一切眾生，欲與其樂，遠離恭敬供養自身心故。

※方者，法也；便者，用也。（糅合《法華經會義》方便品）

※《靈峰宗論》卷第二之一云：「法華一經，殷勤稱歎方便。須知有世間方便：布施、愛語，孝悌、忠信等是也。有出世間方便：苦、空、無常、無我、不淨，數息因緣，遠離、知足等法門是也。有出世上上方便：十波羅密，四攝四辯，八萬四千三昧、總持等是也。有不思議勝異方便，信自性中實有西方，現成佛道之彌陀如來，唯心中實有莊嚴之極樂世界。深心弘願，決志求生，不唯上上方便，是其資糧；將世出世一切方便，無非往生左券。此法門中點鐵成金手段，不歷僧祇，頓階不退，名絕待妙法也。」

※《大乘起信論》云：「若有眾生來求法者，隨己能解，方便為說；不應貪求名利恭敬，唯念自利利他，迴向菩提故。」

○明欣心願求者，希心起想，……又觀彼淨土七寶莊嚴妙樂等。

※《觀經四帖疏》卷三云：「行者等若不識彼境光相者，即看此日輪光明之相。若行住坐臥，禮念憶想，常作此解。不久之間，即得定心，見彼淨土之事快樂莊嚴。為此義故，世尊先教作日想觀也。」

又云：「寶地眾多，光明無量，一一光等，化作光臺，遍滿空中。行者等行住坐臥，常作此想。」

又云：「又此樹量彌高，縱廣彌闊。華果眾多，神變非一。一一樹既然，遍滿彼國所有諸樹之果眾多，盡皆如此，應知。一切行者，行住坐臥，常作此想。」

又云：「此明諸行者等，行住坐臥，常緣彼國一切寶樹，一切寶樓華池等。若禮念，若觀想，常作此解也。」

○此兩語乃刮翳眼之金錐（音皮），治膏肓（音荒）之聖藥。

◆刮：削去也。翳眼：眼睛生起障蔽視線之膜。

◆錐（音皮）：一種較長較薄較寬的箭頭。

◆膏肓（音荒）：病症已無法治療的階段。